



Broj: 03-36-1448/21
Vogošća, 15.10.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 15.10.2021. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE REVIZIJE
GLAVNOG PROJEKTA IZGRADNJE OTVORENOG SPORTSKOG TERENA I DJEČIJEG
IGRALIŠTA U VOGOŠĆI-ULICA AHMEDA RIZVE**

Član 1.

Ponuda ponuđača "NTSI-institut" d.o.o. Sarajevo, ulica Sulejmana Filipovića broj 6. Sarajevo, odabrana je za pružanje usluge revizije Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 800,00 KM bez uračunatog PDV-a, odnosno 936,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 27.09.2021. godine donio Odluku o pokretanju Otvorenog postupka nabavke usluge revizije Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 28.09.2021. godine pod brojem: 1353-1-2-175-3-137/21.

Sažetak Obavještenja o nabavci objavljen je u "Službenom glasniku BiH" broj: 61/21 od 01.10.2021. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača. Krajnji rok za dostavu ponuda bio je 14.10.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 14.10.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1448/21 iz septembra 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"NTSI-institut" d.o.o. Sarajevo	800,00	/	/	936,00
2	"Radis" d.o.o. Istočno Sarajevo	480,00	/	/	561,60

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Radis" d.o.o. Istočno Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 500,00 KM bez uračunatog PDV-a ili više pojedinačnih ugovora u ukupnom zbiru od 500,00 KM bez uračunatog PDV-a.

Tačkom 7.4.2. pod a) TD je propisano da su ponuđači dužni u ponudi kao dokaze dostaviti:

- spisak izvršenih ugovora u ukupnom iznosu od 500,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu;
- potvrde o izvršenim ugovorima od druge ugovorne strane (Naručioca) u skladu sa članom 48. stav 2. Zakona;
- ugovor/e za koje su dostavljene potvrde o uredno izvršenim ugovorima druge ugovorne strane (Naručioca);
- nalog/e za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

Ponuđač "Radis" d.o.o. Istočno Sarajevo je u svojoj Ponudi propustio da dostavi ugovor/e za koje su dostavljene potvrde o uredno izvršenim ugovorima druge ugovorne strane (Naručioca) kao i nalog/e za plaćanje od strane druge ugovorne strane (Naručioca) koji je izdao potvrdu (kao dokaz realizovanog ugovora).

- Tačkom 7.4.1. pod b) TD a u skladu sa članom 50. Zakona zahtjevane su obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga tj. potrebno je bilo da ponuđač ima na raspolaganju:
 - 1 (jedno) lice VSS VII stepen-dipl ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke, sa položenim stručnim ispitom i 5 (pet) godina radnog iskustva.

Tačkom 7.4.2. pod b) TD je traženo da se kao dokazi dostave:

- Diploma o završenju VSS i Uvjerenje o položenom stručnom ispitu za jednog dipl ing. arhitekture (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) arhitektonske struke i dokaz o radnom iskustvu i radnom angažmanu, uz Napomenu III koja propisuje da dokazi o radnom angažmanu mogu biti Lista osiguranih lica iz Poreske

uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Radis" d.o.o. Istočno Sarajevo je u svojoj Ponudi (strana 22-30 Ponude) kao dokaz o radnom angažmanu dostavio Izvještaj o broju zaposlenih radnika kod poslodavca "Radis" d.o.o. Istočno Sarajevo od 02.08.2021. godine, izdat od Poreske uprave RS.

Komisija za javne nabavke smatra da dostavljeni Izvještaj o broju zaposlenih radnika kod poslodavca "Radis" d.o.o. Istočno Sarajevo nije dostavljen u skladu sa jasno postavljenim zahtjevima ugovornog organa iz TD. Naime, Napomenom I iz tačke 7.4.2. pod b) TD je propisano da dokazi koji se dostavljaju moraju biti originali ili ovjerene kopije.

Komisija za javne nabavke smatra problematičnim činjenicu da se priloženi dokument sastoji od 9 (devet) stranica, između stranica ne postoji otisak pečata izdavaoca istog, isti ne sadrži otisak pečata i potpisa odgovorne osobe izdavaoca dokumenta, te je sve prethodno navedeno direktno utjecalo na formalno-pravnu ispravnost dostavljenog dokumenta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "NTSI-institut" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "NTSI-institut" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da je Ponuda ponuđača "NTSI-institut" d.o.o. Sarajevo sa ukupnom ponuđenom cijenom u iznosu od 800,00 KM bez uračunatog PDV-a, prelazila procijenjenu vrijednost nabavke koja iznosi 500,00 KM bez uračunatog PDV-a, Komisija za javne nabavke je dana 14.10.2021. godine zatražila izjašnjenje od nadležne Službe da li može obezbijediti razliku sredstava u iznosu od 300,00 KM bez uračunatog PDV-a za realizaciju predmetne nabavke.

Služba za privredu, integrisani lokalni razvoj i društvene djelatnosti se aktom broj: 03-36-1448/21 od 14.10.2021. godine očitovala da će moći obezbijediti razliku nedostajućih sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "NTSI-institut" d.o.o. Sarajevo, za pružanje usluge revizije Glavnog projekta izgradnje otvorenog sportskog terena i dječijeg igrališta u Vogošći-Ulica Ahmeda Rizve, kao jedine formalno-pravno ispravne ponude, sa ponuđenom ukupnom cijenom nabavke u iznosu od 800,00 KM bez uračunatog PDV-a, odnosno 936,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

zu Kontrolisala: Melisa Kršo

Melisa Kršo

Dostavljeno:

1. "NTSI institut" d.o.o. Sarajevo
2. "Radis" d.o.o. Istočno Sarajevo
3. Nadležnoj Službi
4. U dosije
5. a/a

033/847-775

057/343-136



OPĆINSKI NACELNIK

Edin Smajić